

Nunat Aqqinik Aalajangiisartut ataatsimiinnerat  
oktobarip 25-anni 2007-mi  
Oqaasileriffiup ataatsimiittarfiani.

Peqataasut.: Carl Chr. Olsen, Karl Elias Olsen, Tukummeq Qaavigaq, Stephen Heilmann.

Allatsi.: Lisathe Møller Kruse

Peqataangilaq: Abia Abelsen. Angalanini pissutigalugu.

Oqaluuserisassatut siunnersuutit:

1. Tikilluaqqusineq
2. Ilisimatitsissutit malitassallu
3. Imaqarniliap akuerineqarnera
4. Nunat aqqisa siornatigut nalunaarsorsimangitsut akuerisatut nalunaarnissaat
5. Nalunaarsugaatitta Qeqertarsuatsiaarmiullu nalunaarsugaataasa arlalitsigut nikingassuteqarnerinut tunngasut
6. Nunat aqqisa nalunaarsugaatigineqareersut akuerisaneereersullu immap assinginut 1212-mut 1213-mullu inississimangisat isummerfiginissaat
7. Nunat aqqisa immap assingini 1212-meereersut 1213-meereersullu Excel programimut nuunneqarsimasut allattaasitaanngortinneqarnissaat
8. Aatsitassanut Ikummatissanullu Pisortaqarfimmit suliakkiissutit


a. Sara Hjort Knudsen	No. A0513
b. Sara Hjort Knudsen	No. A0514
c. Sara Hjort Knudsen	No. A0515
d. Sara Hjort Knudsen	No. A0517

9. Taasariaqartut allat

- **1. pillugu** -

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

- **2. pillugu** -



CCO-p oqaatigaa sapaatip akunnerani i 46-mi pinartut ataatsimiissutigineqarsinnaasut, sap. ak. taanna Ilimmarfimmumut nutserneq aallartissaaq.

Nunat aqqi aalajangigassat sukumiisumik sammineqalinnginneranni nunat aqqi sumiorpallannerusut pisortatigoortumik oqaatsinut kalaallit tamarmik atugassaannut allanngortittariaqartut eqqartorneqarpoq. Ilaasortallu tamarmik tassunga isummamut isumaqataapput.

CCO-p siunnersuutigaa nunat aqqi pineqartillugit nipit assigiinngitsut marluusut assigiimmi isumallit rng aamma rn arlaat ataaseq pisortatigoortumik atorneqalertariaqartoq. Ilaasortanillu aalajangiunneqarpoq allassimasuni rng atorunnaarlugu rn atorneqartassasoq, soorlu imeq oqaaserluunniit alla nipitigut katitigaanermigut pissuseqataa allassimanermini rng-iujunnaarluni rm-inngortassasoq ilaasortanit aalajangiunneqarpoq. Oqaaseq imeq piginnittorsiuitalerniarutsigu p-mik naggaserlugu, taava ermip-inngussasoq, taavalu ernga/erma-nngussasoq, qasseersiutinngorlugu atuinermi aamma imeq/ermit taamatut allassimasussanngorlugu (naak sumiorpalulluni oqalunnermi /rng/-itut atuineq allanngunngikkaluarlugu).


Tunnngaviusumik aalajangigassat sammineqalinnginneranni Tukummeq Qaavigaq-p maluginiarpaa nunat aqqi nalunaarsorlaat suli aalajangiunneqanngitsut iterlattaqaratik kangerliumanilerujussuusut, kangerluillu ikittuinnaat nalunaarsorneqarsimasut. Nunallu aqqata aalajangiussassap Nunat Aqqinik Aalajangiisartunit misissorneqarnerani nunap aqqata sussusia nunap assingi iluaqutigalugit misissorneqaatigaluni sulisoqassasoq aalajangiunneqarpoq.

### - 3. pillugu -

Nunat Aqqinik Aalajangiisartut kingullermik ataatsimiinneranit imaqarniliaq akuerineqarpoq.

### - 4. pillugu -

Immap assingisa nutarterneqarnerisa kingunerisaanik Nunat Aqqinik Aalajangiisartut immap assingi 1212 Qeqertarsuatsiaap kujataaniit Sioqqamiit Qeqertarsuatsiaat tungaannoortoq, aamma 1213 Qeqertarsuatsiaaniit avannamut Kangerluarsorutsip tungaannoortoq sammivaat. Nunap aqqi sumiiffinni tassaniittut suli nalunaarsorneqarsimannngitsut Qeqertarsuatsiaarmiunit nalunaarsorneqarsimasut Qeqertarsuatsiaarmiunit Karolus Steffanimit pissarsiarivavut. Steffanip oqaatigivaa utoqqartatik peqatigalugit nunat aqqi nalunaarsorneqarsimannngitsut nalunaarsorsimallunikit.



Nunat aqqi Nunat Aqqinik Aalajangiisartut nalunaarsugaatiginngisaat Qeqertarsuatsiaarmiunit nalunaarsorneqarsimasut akuerineqarlutik aalajangiunneqartut 170-iupput. Bilagimi word-filiusumi imatut atilimmiipput: Nunat aqqi immap assingisa 1212-up 1213-illu nalaanniittut nalunaarsorlaat.doc.

### - 5. pillugu -

Immap assingisa nutarternerisa kingunerisaanik Nunat Aqqinik Aalajangiisartut immap assingi 1212 Qeqertarsuatsiaat kujataaniit Sioqqamiit Qeqertarsuatsiaat tungaannoortoq, aamma 1213 Qeqertarsuatsiaaniit avammut Kangerluarsorutsip tungaannoortoq sammivaat.


Nalunaarsugaatitta Qeqertarsuatsiaarmiullu nalunaarsugaataasa arlalitsigut nikingassuteqarnerisa kingunerisaanik nunat aqqi nalileqqinneqarlutik nalunaarsugaatitsinnit allaanerussuteqarlutik aalajangiunneqartut 44-upput. Bilagimi word-filiusumi imatut atilimmiipput: Nunat aqqi nalunaarsugaataareersut allannguuteqartulli.doc.

### - 6. pillugu -

Nunat aqqi nalunaarsugaatigineqareersut akuerisaneereersullu immap assinginut 1212-mut 1213-mullu inississimanngisat Nunat Aqqinik Aalajangiisartunit isummerfigineqarput. NAA-t aalajangiuppaat nunat aqqi pineqartut 77-usut immap assinginut 1212-mut 1213-mullu ilanngunneqassasut. Taakkua saniatigut ataatsimiinnermi sammineqareerlutik aalajangiunneqartut tamarmik aamma immap assinginut taakkununga pineqartunut ilanngunneqartariaqartut aalajangiunneqarportaaq. Taamatut isummernermut pissutigittinneqarpoq umiartornermi avataannaani angalasoqarneq ajornera, kangerlunni allanilu aamma angalasoqartarmat. Bilagimi word-filiusumi imatut atilimmiipput: stednavne som ikke er med på søkortene.doc.

### - 7. pillugu -

Nunat aqqi immap assingini 1212-meereersut 1213-meereersullu Kort- og Matrikelstyrelsenikkormiunit Excel programimut nuunneqarsimasut Nunat Aqqinik Aalajangiisartunit misissorneqarput. Nunat aqqi kalaallisut allannillit NAA-kkormiunit allattaasitaanngortinneqarput, qallunaatuinnarlu ateqartutut nalunaarsorneqarsimagaluartut kalaallisut aqqi aamma ilanngussuunneqarlutik.



Qallunaatuinnaq ateqartutut Excelimi nalunaarsorneqarsimasut nalunaarsugaatitsinnili kalaallisut ateqareersut ukuupput; *Sorte skær* (Lat. 63-41, Lon. 50-36) *Qaarajuttukasik*, *Færingehavn* Kangerluarsoruseq, *Teltøerne* Ammaqunnguit, *Tre Brødre* Nukariit, *Grædeffjord* Kangerluarsoruseq, *Hellefiskeøer* Qassisallit, *Sorte Skær* (Lat. 63-01, Lon. 51-50) *Avalleq*, *Irken Havn* Eqalugissat, *Fiskenæs fjorden* Qeqertarsuatsiaat Kangerluat, *Lichtenfels* Akunnaat, *Fiskenæsset* Qeqertarsuatsiaat.

Qallunaatuinnaq ateqartutut Excelimi nalunaarsorneqarsimasut nalunaarsugaatitsinnilu kalaallisut atii ilaanngikkaluarlutik ilannguterlaat ukuupput; *DANAS DYB* Allumersat Sioraata Iterna, *RAVNS BANKE* Sioqqap Sioraata Ikkannera, *Hvalen* Arfeq, *Frederikshåb* *Isblink* Sioqqap Sermia, *THETIS SKÆR* Nalluffiup Ikkarlua.

Qallunaatuinnaq ateqartutut Excelimi nalunaarsorneqarsimasut kalaallisullu ateqarnerannik nalunaarsorneqanngitsut ukuupput; *Rota Havn*, *Smaragdø* *SANKTA MARIA SKÆR*.

Nunallu aqqi pineqartut bilagini excel-filiusuni imatut atilinniipput: stednavne 1212\_Allattaasitaanngortitat.xls, aamma stednavne 1213\_Allattaasitaanngortitat.xls.

- **8. pillugu** -

a. No. A0513	Sub. 1 Immikkoorteq Sub. 2 Pujortuut
b. No. A0514	Sub. 1 Saqqit 1 Sub. 2 Saqqit 2
c. No. A0515	Kanaaki
d. No. A0517	Nunarsuaq

10. Taasariaqartut allat  
Naamik.

Carl Chr. Olsen  
Siulittaasoq

Lisathe M. Kruse  
Allatsi